



ՁԵՌՆԱԴՐՈՒԹՅՈՒՆ ՄԱՅՐ ԱԹՈՌՈՒՄ

Հունիսի 4-ին, կիրակի, Մայր Աթոռ Ս. Էջմիածնի տոնի օրը, Վեհափառ Հայրապետը հանդիսավոր սուրբ պատարագ մատուցեց և կուսակրոն քահանա ձեռնադրեց քահանորդ Հովհաննես սարկավազ Նիկայանին, խորհն սարկավազ Պալյանին, Հակոբ սարկավազ Պողապալյանին և Հակոբ սարկավազ Գարաջանին:

Եւրաթ օրը, երեկոյան ժամերգութիւնից հետո, ըստ Ձեռնադրութեան Մաշտոցի, կատարվեց ընծայացումների կոշման սրտառուլ արարողութիւնը Մայր Տաճարում, գերաշնորհ Տ. Սահակ արքեպիսկոպոս Տեր-Հովհաննիսյանի նախադահութեամբ:

Շարականներից, սաղմոսներից, սուրբգրական համապատասխան ընթերցումներից և աղոթքներից հետո, ընծայացումները հրապարակաւ հայտնեցին «կամօք, յօժարութեամբ սրտի» քահանայական քաղցր լուծի ստանձնելու իրենց հոժարութիւնը:

Այնուհետև հարց ու պատասխանի ձևով ըննվեց ընծայացումների հոգևոր և բարոյական պատրաստութիւնը, «ուսումն քահանայութեան լիով և գիտութիւն աստուածային օրինաց»: Նրանք խոստացան և հանձն առին «ամենայն պատրաստութեամբ կատարել դամենայն հրամանս սրբոց առաքելոցն և զհայրապետացն», և ապա տվեցին «զգլաւնութիւն խոստովանութեան ուղղափառ հաւատոց»:

Քահանայական կոշման արարողութիւնը եզրափակվեց «Ուղղափառ դաւանութիւն հաւատոյ» բարձրաձայն հրապարակային ընթերցումով:

Կիրակի օրը կատարվեց «ձեռնադրութիւն քահանայի», ըստ Մաշտոցի ցուցմունքների: Վեհափառ Հայրապետը, ամպհովանու տակ, եկեղեցական թափորով առաջնորդվեց Մայր Տաճար՝ ձեռնադրութեան սուրբ պատարագը մատուցելու: Սեղանին սպասարկում էին գերաշնորհ Տ. Սահակ և Տ. Վարդան սրբադանները, Տ. Հուսիկ և Տ. Մուշեղ վարդապետները, Տ. Կոմիտաս, Տ. Հակոբ և Տ. Հովհաննես քահանաները և սարկավազների խումբը:

Մայր Տաճարի աջակողմյան և ձախակողմյան դասերում տեղ էին զբաղեցրել Գերադուն Հոգևոր խորհրդի հարգարժան անդամները, արտասահմանյան ուխտավորներ և նորընծաների ծնողներն ու հարազատները:

Սուրբ պատարագը միկնուցն հանդիսավորութեամբ շարունակվում է մինչև «Ձի ողորմած և մարդասէր հաւատաւ», և ապա, «Այսօր աստուածութիւնն զուարճանայ» շարականով ընծայաները ձախակողմյան դասից ծնրադիր բարձրանում են դեպի Ս. Սեղան:

Խարտավիլակի պաշտոնը կատարում է Արարատյան թեմի առաջնորդական փոխանորդ հոգեշնորհ Տ. Վահան վարդապետ Տերյանը:

Ձեռնադրութեան համապատասխան պատշաճ և գեղեցիկ սաղմոսների, երգերի և աղոթքների միջոցով ձեռնադրող Վեհափառ Հայրապետը հայցում է «Աստուածային և երկնաւոր շնորհ, որ միշտ լնու զպէտս սրբոյ սպասաւորութեան Առաքելական Եկեղեցւոյ», որից հետո ընծայաները հրապարակաւ մի անգամ հա տալիս են իրենց անձի վկայութիւնը սիրով, ազատ կամքով քահանայութեան քաղցր լուծը ստանձնելու համար:

Հարկավոր է նաև ժողովրդի վկայութիւնը: «Արժանի են» միաբերան երգված վկայութեամբ ժողովուրդը իր վստահութիւնն է հայտնում նորընծաների հուսալիութեան մասին:

Այժմ ձեռնադրութեան խորհրդավոր պահն է: Ընծայաները, ծնրադիր, բոլորված

Վեհափառ Հայրապետի շուրջ, լսում են նրա աղոթքը. «Ես դնեմ զձեռս ի վերայ սոցա, և դուք ամեններեան աղօթս արարէք, զի արժանի լիցին սոքա դաստիճան քահանայութեան անարատ պահել առաջի Սեղանոյ Տեառն Աստուծոյ»:

Այնուհետև սուրբ պատարագը շարունակվում է մինչև «Ողջութիւն»-ի պահը:


Զեռնադրութեան մասին մեծ և բովանդակալից աղոթքների ընթերցումից հետո, ձեռնադրող Վեհափառ Հայրապետը «արկանէ զփիլոնն», «դնէ դսաղաւարտն ի գլուխ», «ղգեցուցանէ զշուրջառն», «կապէ

վառը ու հրամայում է նրանց առաջին անգամ օրհնել հավատացյալներին:

Զափազանց հուզիչ էր և սրտագրավ այն պահը, երբ նորընծաները, օրհնելով հավատացյալներին, բարեմաղթում են «Խաղաղութիւն ամենեցուն»:

Նորընծաների այս օրհնութեամբ էլ վերջանում է օծման սուրբ արարողությունը:

Այժմ քարոզի պահն է: Նորընծաները, քահանայական լրիվ զգեստավորման մեջ և սաղավարտ ի գլուխ կանգնած Ավագ Ս. Սեղանի աջակողմյան դասում, լսում են իրենց Հոգևոր Հոր հայրական խրատները:



ԱՇԽԱՐՀԻՑ ՀՐԱԺԱՐՈՒՄԸ

զգօտին» ընծայալների, տալով նրանց քահանայութեան իշխանություն:

Ապա «Կենդանարար Աստուած» շարականի երգեցողութեամբ, Վեհափառ Հայրապետը առնում է Ս. Մյուռոնը և «օծանէ սրբազան մեռոնսւ զճակատ» և ձեռքերը նորընծաների, վերանվանելով Հովհաննես սարկավազին՝ Տ. Գրիգոր արեղա, Խորեն սարկավազին՝ Տ. Մեսրոպ արեղա, Հակոբ սարկավազ Պողապալյանին՝ Տ. Ներսես արեղա և Հակոբ սարկավազ Գարաջյանին՝ Տ. Նղիշ արեղա:

Այնուհետև Վեհափառ Հայրապետը հանդիսավոր աղոթքով և օրհնութեամբ ընծայալներին է հանձնում սկիհը, մաղղման և բուր-

Այդ օրը կրկնակի ուրախություն էր Մայր Աթոռի համար: Վեհափառ Հայրապետը գեղեցկորեն խոսում է Ս. Գրիգոր Լուսավորչի տեսիլքով մարմին առած Միածնաէջ Մայր Տաճարի խորհրդի և ապա Մայր Աթոռի հայ ժողովրդի կյանքում կատարած և կատարելիք հոգևոր և բարոյական, ազգային և հայրենասիրական մեծ առաքելության մասին և ձեռնադրության սուրբ խորհուրդը կապում է Մայր Աթոռի հավերժության, կենսունակության և անսասանության զաղափարի հետ, սրտագինս բարեմաղթելով, որ Մայր Աթոռի երիտասարդ նոր միաբանները իրենց հավատով, նվիրմամբ և ծառայության ոգով լինեն «մշակք առանց ամօթոյ»:


Սուրբ պատարագը շարունակվում է:

Հավարտ սուրբ պատարագի, Վեհափառ Հայրապետը առաջնորդվում է Վեհարան, մինչ Մայր Տաճարում հավատավոր բազմությունը հրկյուղածորեն մոտենում է նորընծաների օծյալ աջերը համբուրելու:

Ժամը 4-ին, Վեհարանի սեղանատանը, ի պատիվ նորընծաների, տրվում է ճաշկերույթ: Սեղանը օրհնում է Վեհափառ Հայրապետը: Ճաշկերույթին մասնակցում են Մայր Աթոռի ողջ միաբանությունը, Գերագույն Հոգևոր Խորհրդի և Վերստուգիչ հանձնաժողովի անդամները և հրավիրյալներ:

Երեկոյան ժամերգությունից առաջ, ըստ Ձեռնադրության Մաշտոցի հրահանգի, կատարվում է «Օրհնություն արեղայի», որի ընթացքում Վեհափառ Հայրապետը վեղարի տվչության հետ կապված մասնավոր աղոթքներով, «Հան է զջրոունն և զգեցուցան է զվեղարն և աս է. Աստուած զգեցուցան է քեզ զնոր մարդն և եղիցիս դու հպատակ և հնազանդ նկեղեցւոյ կանխեալ ի սէրն Աստուծոյ հոգւով ի տուէ և ի գիշերի»:

Վեհափառ Հայրապետի «Պահպանիչ»-ով վերջանում է վեղարի տվչության արարողությունը:



ՎԵՀԱՓԱՌ ՀԱՅՐԱՊԵՏԸ ՏԱԼԻՍ Է ԻՐ ԽՐԱՏԱԿԱՆԸ ՆՈՐԸՆԾԱ ԱՐԵՂԱՆԵՐՈՎ:

Նորընծաներին սրտագին և ջերմ խոսքերով շնորհավորում են գերաշնորհ Տ. Սահակ և Տ. Եղնիկ սրբազանները, Գերագույն Հոգևոր Խորհրդի անդամներ պրոֆ. Ա. Առաքելյանը և Ա. Տիրացյանը, Վերստուգիչ հանձնաժողովի անդամ Գ. Բեքմեդյանը, «Էջմիածին» ամսագրի խմբագիր Ա. Հատիսյանը և ուրիշներ:

Ընդունելությունը վերջանում է Վեհափառ Հայրապետի «Պահպանիչ»-ով:

«Էջմիածին» ամսագրի խմբագրությունը սրտագինա շնորհավորում է Մայր Աթոռի հրիտասարդ և խոստումնալից վեղարավորներին և բարեմաղթում, որ նրանք այսուհետև ևս և մասնավորապես ավելի պայծառ գիտակցությամբ և տքնաջան նվիրումով, պատվով ու սրբությամբ ծառայեն Աստուծո Ս. Սեղանին, հայ հավատավոր ժողովրդին և մեր Հայրենիքին՝ մեր նախնյաց եռամեծ և լուսապսակ վարդապետների շավղով:

